

տղայ առաջնորդ ահա կատարեցաւ բանքս այս ի վերայ Օլախաց երկրիս . զի նախարարքն սորա ինչպէս որ կամեցան՝ այնպէս կու կողոպտեն երկիրս այս . . . Բարեխօսութեամբ Սրբոցս որ կան ի տրփին յայսմիկ՝ Աստուած խաղաղութիւն տացէ երկրի և թագաւորաց հաշտութիւն . . . Որոց Սրբոց Նախահարցն բարեխօսութեամբ ողորմի Քրիստոս Աստուած ստացողի գրոցս՝ Տէր Նիկողայասին, և ծնողացն՝ Պր. Վարդին, Խաթունչային, և կողակցուն՝ Կուլպահարին, և դստերացն՝ Ճաշխաթունին, Օղիտային, և եղբարցն՝ մահտեսի Գասպարին, Ալեքսիանոսին, Սիրունին, Մերիճանին, և կողակցուն Սիմային, և դստերացն Հռիփսիմէին, և ամենայն արեան մերձաւորացն . և միջնորդի սորա՝ Վարդաղատին, և անպիտան գրչի Սարգիս դպրին, և վարժապետիս՝ Յոհան դպրին . և ծնողացն իմոց՝ մահտեսի Տէր Ովանէսին և Զարգարին, կարգացողացս և լսողացդ, և զՈղորմին ասողացդ . ամէն . Հայր մեր : — Կարողութեամբն Աստուծոյ և միջնորդութեամբ Սրբոցս ըսկսաք սուրբ գիրքս . և վերջացաւ ի յայսմ վայրի իմում բաժին . և ի յայսմ տեղումէս յաւարտ եհան հոգեւոր ծնողքն մեր և խրատատուն Սրապիոն դպրին . զոր և յուշով աւարտեցաք ի թվականութեանս Հայոց ՌՃԸ աւմին : — Ողորմի Քրիստոս Աստուած զսուրբ Յայսմաւուրքս ի գերութենէ ազատողին, յԱլլընցի Եայճի Փիրուխանին և իւր ծնողացն, հօրն՝ Խորին, մօրն՝ Յաչկուլին, և իւր եղբարցն՝ Թամուրին, Աստուածատուրին, Աբրահամին, Յակոբին, Յոհանին, Մովսէսին, և ամենայն արեան մերձաւորաց, և որ զողորմին ասեն . ամէն : — Ողորմի Քրիստոս Աստուած զսուրբ Յայսմաւուրքս ի գերութենէ ազատող Խօճայի եղեցբան (թերեւս եկեղեցպաւ) Վասիլին, և հօրն Մանուկին և մօրն՝ Մարուցային, և կողակցին՝ Խաթունմէլիքին, և եղբօրն Խօճայ Թումանին, և որդոյն Օվանէսին և Օհանին, դստերացն Աննիցային և Մարուցային և Ալխաթունին և Հռիփսիմէին, և . . . Տէր Յովանէս՝ Խութինու քահանայի . . . [Յայսմաւուրք ի Կեռչա] :

1631 .

Թվ. ՌՃԹ, Սեպտ. 20, օրն երկուշաբթի . Ի հայրապետութեան Տեան Տէր Մովսեսի, եկաւ ի Լով նուիրակ Տէր Խաչատուր վարդապետ սրբալոյս մեռոնաւն . և զիս մեղաւորս Խաչատուր արեղոյս առաքեանց նուիրակ սրբալոյս մեռոնաւն ՚ի յայս աստուածապահ քաղաքս Զամոսցա, ի ժամանակս քահանայից՝ Տէր Յակոբին և Տէր Անդրէասին, որ և եկաք և հանգեաք ի տուն Տէր Անդրէաս քահանային, և Աստուած զինքն փառաւորէ ի յայս կեանք և ի յաւիտեանականս . ամէն : [Ճաշոց ի կայսեր . գրատուս Վիլենայ] :

1631 .

Ով եղբարք իմ սիրելի, յիշեցէք զթերաւարժ գրչակս՝ զԾերիկ դպրին՝ որդոյ Նիկօլին . և անզարդութեան գրոյս անմեղադիր լերուր . . գրեցաւ թվ. ՌՃԹ. դեկտ. 15, օրն վեցշաբթի : [Ի կամեակից . - Ժամագիրք] :